



REPUBLIKA E SHQIPËRISË
KOMISIONI QENDROR I ZGJEDHJEVE

Komisionieri Shtetëror i Zgjedhjeve

Data: 12.4.2023

Nr: 331

Ora: 12:00

VENDIM

PËR

**VERIFIKIMIN E TË DHËNAVE NË FORMULARIN E VETËDEKLARIMIT TË SUBJEKTIT
VETËDEKLARUES Z. YLLI RUSHIT XHAFA, KANDIDAT PËR ANËTAR NË KËSHILLIN BASHKIAK
PROPOZUAR NGA SUBJEKTI ZGJEDHOR "PARTIA DEMOKRATIKE" NË BASHKINË BULQIZË**

Sot më datë 12.4.2023, unë Komisioneri Shtetëror i Zgjedhjeve, në seancë publike shqyrtova çështjen me:

Objekt: Për verifikimin e të dhënave në formularin e vetëdeklarimit të subjektit vetëdeklarues z. Ylli Rushit Xhafa, kandidat për anëtar në këshillin bashkiak i propozuar nga subjekti zgjedhor "Partia Demokratike" për Bashkinë Bulqizë.

Baza ligjore: Neni 19, pikat 1, shkronja "n" e 2 të ligjit nr. 10019, datë 29.12.2008, "Kodi Zgjedhor i Republikës së Shqipërisë", të ndryshuar, nenet 5 dhe 11 të ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike", Kreut II, III, V, të vendimit nr. 17/2016, të Kuvendit, "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike",

Në përfundim të shqyrtimit administrativ,

V Ë R E J:

Në zbatim të ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike" Komisioni Qendror i Zgjedhjeve është organi kompetent për administrimin, verifikimin, zbatimin e ndalimeve për zgjedhjen dhe emërimin për funksionet publike si dhe përpunimin për formularin e vetëdeklarimit për disa subjekte ndër të cilat është edhe kandidati për kryetar bashkie apo anëtarë në këshillat bashkiak.

Data: 12.4.2023 Nr: 331
Ora:12:00



"Për verifikimin e të dhënave në formularin e vetëdeklarimit të subjektit vetëdeklarues z. Ylli Rushit Xhafa, kandidat për anëtar në këshillin bashkiak i propozuar nga subjekti zgjedhor "Partia Demokratike" për Bashkinë Bulqizë".

Me vendim të KZAZ –së, z. Ylli Rushit Xhafa, është regjistruar si kandidat për anëtar në këshillin bashkiak të Bashkisë Bulqizë, i mbështetur nga subjekti zgjedhor “Partia Demokratike”.

Për këtë kandidat në datën 2.4.2023, pranë Komisionit Qendror i Zgjedhjeve është depozituar formulari e vetëdeklarimit i cili është regjistruar me nr. unik DI-PDSH-17581. Në kuadër të verifikimit paraprak të kushteve të kandidimit të këtij kandidati, sipas përcaktimit të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, si dhe vendimit nr. 17/2016 të Kuvendit, Komisioni Qendror i Zgjedhjeve ka kërkuar informacion nga Zyra e Gjendjes Gyqësore, pranë Drejtorisë së Përgjithshme të Burgjeve (DPGJ).

Në përgjigje të kësaj kërkesë të KQZ, DPGJ informon se kandidati në fjalë nuk është e dënuar me vendim penal të formës së prerë.

Nga verifikimi i të dhënave në formularin e vetëdeklarimit të z. Ylli Rushit Xhafa, rezulton:

- Në rubrikën I. “TË DHËNA PERSONALE”, PIKA B, “Gjeneralitete të mëparshme” të Formularit të Vetëdeklarimit, subjekti vetëdeklarues ka deklaruar se nuk ka ndryshim tek gjeneralitetet e tij;
- Në rubrikën III. “TË DHËNA MBI GJENDJEN GJYQËSORE TË PERSONIT”, të Formularit të Vetëdeklarimit, Pyetjes 1 “A jeni dënuar ndonjëherë me vendim gjyqësor të formës së prerë nga një autoritet gjyqësor shqiptar ose i huaj”, subjekti vetëdeklarues është përgjigjur “PO”, duke deklaruar se është proceduar në shtetin Grek në Lamia, dënimin e subjektit me 22 muaj burgim, duke mos deklaruar veprën penale dhe nëse vendimi ka marrë formë të prerë;
- Është proceduar nga gjykata e Rrethit Gjyqësor Dibër, duke u dënuar me masën e dënimit gjobë, duke mos deklaruar veprën penale dhe nëse vendimi ka marrë formë të prerë;
- Pyetjes 3 “A keni qenë ndonjëherë në hetim ose gjykim nga një autoritet i huaj, për kryerjen një veprë penale?”, subjekti vetëdeklarues është përgjigjur “PO”, duke deklaruar se është proceduar në shtetin Grek, Lamia në janar te vitit 1994, për arsyet të cilat nuk i kujtohen;
- Është proceduar nga Gjykata e Rrethit Gjyqësor Dibër, me masën e dënimit me gjobë në vitin 2012;
- Pyetjes 4 “A keni qenë ndonjëherë i ndaluar apo arrestuar nga organet ligjzbatuese, për kryerjen e një veprë penale?” subjekti vetëdeklarues është përgjigjur “PO”, duke deklaruar se është proceduar në shtetin Grek, Lamia në janar te vitit 1994, për arsyet te cilat nuk i kujtohen.
- Është proceduar nga Gjykata e Rrethit Gjyqësor Dibër, me masën e dënimit me gjobë në vitin 2012;
- Pyetjes 5 “A është caktuar ndaj jush ndonjëherë masë shtrënguese e sigurisë personale, në fuqi ose jo?” subjekti vetëdeklarues është përgjigjur “PO”, duke deklaruar se është proceduar në shtetin Grek, Lamia në janar te vitit 1994, për arsyet te cilat nuk i kujtohen;
- Pyetjes 7 “A është marrë ndonjëherë për ju masa e dëbimit nga një shtet i huaj?”, subjekti vetëdeklarues është përgjigjur “PO”, duke deklaruar se është proceduar nga policia, në shtetin Grek Athinë, arsyet të cilat nuk i kujtohen;
- Pyetjes 8 “A keni jetuar ndonjëherë jashtë territorit të Republikës së Shqipërisë për më shumë se një muaj?”, subjekti vetëdeklarues është përgjigjur “PO”, duke deklaruar se ka qëndruar

në Lamia Greqi, si emigrant për periudhën 1994, në Itali në San Marcelino, Napoli si emigrant në vitin 1998 dhe në shtetin Anglez në Oxford si emigrant prej vitit 1999 deri në 2005.

Në vlerësim të përmbajtjes së deklarimeve si më sipër në formular, Komisioni Qendror i Zgjedhjeve çmon se është e nevojshme marrja e informacioneve shtesë në lidhje me faktet që lidhen me autoritete dhe vende të huaja. Në nenin 2, pika 2, të ligjit nr.138/2015, përcaktohet se për vepra penale të kryera jashtë territorit të Republikës së Shqipërisë, Komisioni Qendror i Zgjedhjeve, nuk ka kompetencën për të kryer verifikime.

Referuar nenit 8, pika 1, të ligjit nr. 138/2015 “Për garantimin e Integritetit të personave që zgjidhen, emërohen ose ushtrojnë funksione publike”, Kreu V, pika 3, shkronja “b/ii”, të vendimit nr. 138/2015, të Kuvendit, nr. 17/2016, Për përcaktimin e rregullave të detajuara mbi zbatimin e ndalimeve të parashikuara në është Prokuroria e Përgjithshme, Drejtoria e Koordinimit Institucional, Sektori i Dekriminalizimit, që kryen verifikimin e plotë të deklarimeve të bëra.

PËR KËTO ARSYE:

Bazuar në nenin 19, pikat 1, shkronja “n” e 2, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”

V E N D O S:

1. Kryerjen e verifikimit të thelluar të subjektit vetëdeklarues z. Ylli Rushit Xhafa, kandidat për anëtar në këshillin bashkiak i propozuar nga subjekti zgjedhor “Partia Demokratike” për Bashkinë Bulqizë dhe dërgimin e të dhënave përkatëse Prokurorisë së Përgjithshme për vlerësim të mëtejshëm.
2. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
3. Kundër këtij vendimi mund të bëhet ankim në Komisionin e Ankimeve dhe Sanksioneve, brenda 3 (tre) ditëve nga shpallja e tij.

Komisioneri Shtetëror i Zgjedhjeve

Ilirjan CELIBASHI